

CAPITVLA SIVE CONSTITVTIONES

Ecclesiasticæ per Archiepiscopum,

Episcopos, & reliquum Clerum Cantu-

ariensis Prouinciæ in Synodo inchoata Londini

vicefimo quinto diemensis Octobris, anno Domini mille-

fimo quingentesimo nonagesimo septimo, Regni que Serenissimæ in

Christo Principis, Domine ELIZABETHÆ, Dei gratia

Angliæ, Franciæ, & Hiberniæ Reginæ, Fidei Defensoris, &c.

tricesimo nono, congregatos tractatæ, ac postea per ipsam

Regiam Maiestatem approbatæ & confirmatæ, &

utrique Prouinciæ tam Cantuariensi quàm Ebo-

racensi vt diligentius obseruentur, eadem

Regia authoritate sub magno Sigil-

lo Angliæ promulgatæ.

(*)



LONDINI

Excudebant Deputati Christo-
pheri Barker, Regiæ Maiestatis
Typographi.

Anno Domini 1597.



Vt homines idonei ad sacros ordines , & Beneficia (vti vocant) ecclesiastica admittantur.



Rimò cautum est, ne quis posthac ad sacros ordines suscipiatur, qui non eodem quoque tempore præsentationem sui ipsius ad beneficium aliquod intra Diocœsim siue Iurisdictionem eiusdem Episcopi a quo sacros ordines petit, tunc vacans exhibuerit: Vel qui non eidem Episcopo certum, verum & indubitatum Certificatorium attulerit de ecclesia aliqua intra Diocœsim siue Iurisdictionem dicti Episcopi, in qua curæ animarum inservire possit: Vel qui in aliqua Cathedrali aut Collegiata Ecclesia, vel Collegio Cantabrigiensi aut Oxoniensi non fuerit constitutus: Vel saltem qui ab eodem Episcopo in Beneficium aliquod, siue ad Curam (vti vocant) inserviendum tunc etiam vacantem, non sit mox admittendus.

Deinde, ne quis Episcopus posthac aliquē in sacros ordines cooptet, qui non ex sua ipsius diocœsi fuerit: nisi vel ex altera nostratium Academiæ prodierit: vel nisi literas (vt loquuntur) dimissorias

ab Episcopo cuius Diocœsanus existit, attulerit, & vicesimum quartum ætatis suæ annū iam compleuerit, ac etiam in altera dictarum Academicarum gradum aliquem scholasticū susceperit: Vel saltem nisi rationem fidei suæ iuxta Articulos illos Religionis in Synodo Episcoporum & Cleri approbatos Latino sermone reddere possit, adeo ut sacrarum literarum testimonia, quibus eorundem articulorum veritas innitur, recitare etiam valeat: Ac ulterius, de vita sua laudabili, & morum integritate literas testimoniales sub Sigillo vel alicuius Collegij Cantabrigiæ aut Oxoniensis, ubi antea moram fecerit, vel alicuius Iusticiarij ad pacem Dominæ Reginæ conseruandam assignati, vnâ cum subscriptione & testimonio aliorum proborum & fide dignorum hominum eiusdem parœciæ, ubi per tres annos ante proximè elapsos commoratus est, exhibeat. Vtq; hi sacri ordines diebus tantummodo Dominicis, ac festiuis, idq; publicè ac tempestiuè in ecclesia ubi Episcopus moram traxerit, conferantur: Prouiso semper, ut vtriusque Academicæ Collegiorum Socij, qui suorum Collegiorum statutis ad sacros ordines intra certum tempus suscipiendos tenentur, hoc decreto (quantum ad ætatem attinet) non obligentur. Quod si verò aliquis Episcopus aliquem ad sacros ordines admiserit, qui prædictis qualitatibus non sit præditus, is per Archiepiscopum, assidente sibi hac in parte vno alio Episcopo, ab ordinatione Ministrorum & Diaconorum per integrum biennium suspendatur, ac
cam

eam prætereà poenam incurrat, quæ de Iure in eiusmodi Episcopos qui ad ordines Ecclesiasticos sine titulo aliquem promouebunt, statuitur.

Adhæc, ne quis Episcopus aliquem in beneficium (vti vocant) instituat, nisi qui prædictis conditionibus ornatus fuerit.

Si verò Curia de Archibus aut Audientiæ per viam duplicis querele, seu alio quouis modo contra Episcopum hac in parte agat, quia homines minime idoneos ac habiles admittere renuit: tunc licebit Archiepiscopo, vel authoritate propria vel gratia speciali a regia Maiestate impetrata, eiusmodi processus amputare, quò laudabilis Episcopi industria debitum ea ratione sortiatur effectum.

Denique, vt quolibet anno ad festum Sancti Michaelis Archangeli, vel intra sex hebdomadas idem festum subsequentes, vnusquisque Episcopus numerum, nomina, gradus & qualitates eorum omnium, quos in sacros ordines, vel in aliqua Beneficia eodem anno præcedente promouerit, ad Archiepiscopum transmittat.

De Beneficiorum pluralitate cohibenda.

QVòd nemini in posterum facultas siue indulgentia concedetur de pluribus beneficijs simul retinendis, nisi huiusmodi tantum, qui pro eruditione sua & maxime digni, & ad officium suum plenius præstandum maxime habiles & idonei censebuntur: Nimirum, vt is qui huiusmodi facul-

rate fruiturus est, sit ad minimum artium magister, & publicus ac idoneus verbi diuini Concionator: Ita tamen vt idonea etiam cautione obstrictus teneatur, de personali sua residentia in singulis Beneficijs per bonam anni cuiusque partem facienda, & quod eiusmodi Beneficia triginta milliarium spatio ad summum non distent abinuicem. Deniq; quod idoneum Curatum habeat, qui plebem eius Parœciæ in qua non residebit, instituat ac informet, modò facultates eiusdem Beneficij talem commodè sustinere posse Archiepiscopo, vel eius Diocœseos Episcopo videbuntur.

Vt Beneficiati in suis Beneficijs Curatis hospitalitatem exerceant.

QVoniam ecclesiarum Cathedralium Canonici siue Præbendarij ecclesiastica beneficia curata alibi sæpius possident, & tamen prætendentes se ratione Præbendarum suarum a residentia in Curatis Beneficijs liberos & immunes, ad Cathedrales conuolant, ibiq; moram faciunt longiorem: Vnde nec curæ parochianorum illis commissæ satis prospicitur, nec pauperes domi suæ (sicuti difficultas huius temporis exigit) aluntur atque sustentantur: Idcirco nos huic malo providere desiderantes, decernendū censemus, vt omnes & singuli Canonici siue Præbendarij qui beneficia curata vnū siue duo obtinēt (nec Residentiarij necessarij in suis ecclesijs Cathedralibus existūt) ultra tempus quo in Cathedralibus

dralibus residere tenentur, a Beneficijs suis Curatis prætextu præbendarum se non absentent: Et si aliqui eorum, qui ad necessariam residentiam in Ecclesijs Cathedralibus non tenentur, ultra tempus unius mensis aliquo anno, in Ecclesia illa Cathedrali moram traxerint, eos arctari volumus ad familiam in Beneficio suo Curato (non obstante mora in Cathedrali) alendam, & Hospitalitatem exercendam, toto reliquo tempore quo a Curato abfuerint. Quod autem ad eos attinet, qui ad residentiam in ecclesijs Cathedralibus faciendam, per ordinationes illius Ecclesiæ obligantur, & communis diuidentiae participes sunt, eos ita inter se anni tempora partiri volumus quoad residentiam in Cathedralibus habendam, ut eorum aliqui in Ecclesijs illis semper adsint, & personaliter resideant. Ac quò hæc omnia melius peragantur, Episcopi, vel alij ad quos per ecclesiæ statuta vel ordinationes pertinet, in suis respectiue Ecclesijs diligenter providebunt.

Vt Decani & Canonici in Ecclesijs Cathedralibus suis vicibus conciones habeant.

CVM Beneficium propter Officium conferri debeat, æquum existimamus, ut ecclesiarum Cathedralium Decani & Canonici omnes & singuli, qui in sacris ordinibus sunt constituti, & ad Conciones habendas in Ecclesijs suis Cathedralibus, de Iure, Statutis, Ordinationibus, aut laudabili consuetudine

consuetudine illius Ecclesiæ tenentur, in personis suis proprijs eas præstent, nec vicaria in ea re operantur, nisi ex causa ægritudinis, aut alia legitima impediti, Concanonicum suum, vel alium in Theologia eruditum ac ad concionandum autoritate sufficienti approbatum sua vice substituant. Quòd si qui huiusmodi Decani aut Canonici officium ea in re neglexerint, per Episcopum vel eos ad quos iurisdicção pertinet, quoad se debite correxerint, suspendantur.

De moderandis indulgentijs pro celebratione matrimonij absq; trina bannorum denunciatione.

QVandoquidem honestæ, claræ, ac illustris conditionis homines, siue urgente aliqua necessitate, siue alijs non contemnendis rationibus, matrimonium aliquando celebrandi causas habere possunt, facultate sibi de Bannis matrimonialibus aut non omninò, aut semel iterumve denunciandis indulta, sine aliquo graui scandalo seu detrimento: Idcirco ad euitanda generaliter quæ hac in parte notantur incommoda, visum est cauere ne vllæ facultates siue Indulgentiæ de celebrando absque bannis matrimonio concedantur, nisi idonea cautio priùs sub hisce conditionibus ineatur: nimirum, primò quòd nullum postea constabit impedimentum præcontractus, consanguinitatis, affinitatis, vel vllius alterius legitimæ causæ cuiuscunq; ratione.

Secundò, quòd eo tempore quo eiusmodi facultas

tas siue indulgentia concedetur, nulla controuersia, lis seu querela mora est, vel dependet coram aliquo Iudice ecclesiastico aut ciuili, de eiusmodi legitimo impedimento matrimonij inter huiusmodi personas contrahendi aut contracti: Ac tertio, quòd ad nuptiarum solemnizationem non accedent, nisi assensu & expresso consensu parentum siue tutorum prius impetrato: Et ulterius quòd matrimonij celebratio publicè ac tempestiuè in facie ecclesiæ fiet. Cuius quidem cautionis formula seu exemplar in scriptis concipietur, ac unicuique Episcopo in sua cuiusque Diocœsi imitanda proponetur.

Prætereà adiiciendum putamus, ne cuiquam liceat Episcopalem dignitatem non obtinenti (Commissario ad facultates, ac Vicarijs generalibus Archiepiscopi & Episcoporum, sede plena: & sede vacante Custodibus Spiritualitatis ac Ordinarijs, Episcopalem iurisdictionem de Iure exercentibus, in suis iurisdictionibus respectiuè exceptis) licentiam celebrandi matrimonia sine bannis concedere: Ea verò duntaxat per se, ac sub manuum suarum suscriptione, non per Deputatos aut Surrogatos suos, nec alijs quam suæ iurisdictioni subditis concedatur. Nulli autem cuiuscunque sexus, dignitatis aut ordinis (in parentum seu gubernatorum cura & regimine esistenti) concedatur, nisi prius constiterit de expresso consensu parentum vel gubernatorum suorum (si fortè parentes exceßerint e vita) idque parentum significatione, aut gubernatorum

orum Iudici personaliter facta : vel Chirographis
 ipsorum, quibus fidem habendam esse non puta-
 mus, nisi per nuncios honestæ conditionis & famę
 illesæ mittantur, qui fidem faciant se de parentum
 aut gubernatorum manu Chirographa huiusmodi
 recepisse veris nominibus ac cognominibus per
 huiusmodi nuncios designandorum : Cuius Chi-
 rographi exhibitionis, ac Iuramenti per nuncium
 præstiti actum conscribi volumus. Nec verò alijs
 concedantur huiusmodi indulgentię, quam illustres
 & clarę conditionis hominibus, nisi vrgens neces-
 sitas intercesserit, eaque Iudici cognita fuerit.

Præterea in ipso dispensationis siue Licentię
 tenore, Ecclesia habitationis siue commorationis
 alterius contrahentium, vel parentum & guberna-
 torum suorum exprimatur, & tempus diei etiam
 congruum, nempe inter horas octauam & duode-
 cimam ante meridiem assignetur.

Nec sine indulgentia a competente Iudice con-
 cessa, Minister aliquis matrimonium celebret, nisi
 trina bannorum denunciatione (per legitima in-
 terualla) interueniente, sub poena constitutionibus
 Prouinciabilibus præscripta.

Prouiso semper, quod quicumque contra hanc
 ordinationem deliquerit, ab executione officij per
 superiorem per sex integros menses suspendetur :
 & licentia huiusmodi viribus carebit, & pro nulla
 quoad poenam personis clandestinas nuptias cele-
 brantibus imponendam habebitur.

De Sententijs diuortij non temerè ferendis.

ET quia matrimoniales causæ, inter maiores hucusque semper habitæ fuerunt : Idcirco cum de matrimonijs in Indicijs disceptatur, cautiùs agi oportet, præsertim verò cum matrimonium in Ecclesia solemnizatum, prætextu aliquo separari, vel nullum pronunciari postuletur, æquum igitur visum est.

Primum vt in huiusmodi diuortiorum & nullitatis matrimonij processibus, deliberatè procedatur, ac quantum fieri poterit, rei veritas, testium depositionibus, alijsq; probationibus legitimis eruatur, nec partium confessioni (quæ in hijs causis sæpè fallax est) temerè confidatur.

Tum vt nullæ posthac sententię vel separationis a thoro & mensa, vel nullitatis matrimonij ferantur, nisi publicè, ac pro tribunali, & de scientia & consensu vel Archiepiscopi, infra Prouinciam suam, vel Episcopi infra propriam diocesim, Decani de Arcubus, Iudicis Audientiæ Cantuariensis, aut Vicariorum generalium, aliorumue Officialium principalium, vel sede vacante Custodum spiritualitatis, aut aliorum Ordinariorum, quibus de Iure competit in suis respectiuè Iurisdictionibus ac Curijs, atq; inter suæ iurisdictionis subditos tantum, Deinde vt in Sententijs quando ad separationem Thori & mensæ tantum interponuntur, monitio & prohibitio fiat, vt a partibus ab inuicem segregatis castè viuatur, nec ad alias nuptias alterutra viuente con-

uoleatur : Denique , quò postremum illud firmiùs obseruetur , sententia separationis non antea pronuntiabitur , quàm qui eam postulauerint , cautionem fideiussoriam sufficientem interposuerint , se contra monitionem & prohibitionem nihil commissuros.

Iudex autem qui sententiam separationis seu diuortij tulerit , & præmissa omnia non præstiterit , per tres integros menses ab executione Officij sui per Diocœsanum suum suspendetur : Et sententia separationis contra formam prædictam lata , pro nulla ad omnem Iuris effectum habebitur , ac si omnino lata non fuisset.

De excessibus circa excommunicationem reformatandis.

Quia Excommunicationis vsus in ecclesia perpetuę legis vigorem iam obtinuit , atq; in omni iurisdictione ecclesiastica exercenda hucusq; retinetur , ideo absq; grandi mutatione totius eiusce iurisdictionis & plurimarum huius regni legum innouari vel alterari nequit : Nihilominus vt Excommunicatio (quæ authoritatis ac discipline ecclesiasticæ quasi neruus quidam , ac vinculum habenda est) ad pristinum suum usum , decus & dignitatem reducatur : Cautum est vt quotiescunq; censura ista in immediatam poenam cuiusvis notorię hereſeos , schismatis , symoniæ , periurij , vsuræ , incestus , adulterij , seu grauioris alicuius criminis venerit infligenda , sententia ipsa vel per Archiepiscopum , Episcopum ,

pum, Decanum, Archidiaconum vel Præbendarium (modò sacris ordinibus & ecclesiastica iurisdictione præditus fuerit) in propria persona pronuntiabitur, vna cum eiusmodi frequentia & assistentia quæ ad maiorem rei authoritatem conciliandam conducere videbitur.

Denique quod vnusquisque Vicarius generalis, Officialis, seu Cômmissarius, qui ordines ecclesiasticos non susceperit, eruditum aliquem præbyterum sibi accerset & associabit, qui sufficienti authoritate vel ab ipso Episcopo in iurisdictione sua, vel ab Archidiacono (præbytero existente) in iurisdictione sua munitus, idq; ex præscripto ipsius Iudicis tunc præsentis excommunicationis sententiam pro contumacia denunciabit.

Volumus etiam, vt sicut constitutum est, eiusmodi excommunicationem per Ministrum ecclesiæ denunciari, ita ipse Iudex de absolutione ipsius rei post satisfactionem suam peractam, eundem Ministrum certiozem faciet, qui eandem absolutionem populo publicè denunciabit: ac interim quod benè licebit, dicto ministro reum a sacris arcere & repellere, tanquam in Ecclesiam minimè recipiendum, donec eiusmodi certificatorium ab ipso Iudice exhibuerit.

De Recusantibus, & alijs excommunicatis publicè denunciandis.

CVrent Ordinarij locorum, vt tam excommunicati ex eo quod diuinis præcibus infra hoc reg-

num Angliæ publica autoritate stabilitis interesse pertinaciter recusauerint, quàm ij etiam qui propter aliam quamcunque causam legitimam excommunicationis sententia innodati fuerint, nisi infra tres continuos menses post latam excommunicationis sententiam se emendauerint, & absolutionis beneficium obtinnerint, singulis sex mensibus sequentibus, in ecclesia cum parochiali, tum etiam Cathedrali Diocœsis in qua habitant, pro excommunicatis publicè denuncientur. Teneantur etiam Ordinarij prædicti de præmissis omnibus & singulis quolibet anno infra Festa Sancti Michaelis & Natalis Domini, Archiepiscopum huius Prouinciæ in scriptis certiolem facere.

De moderanda solennis poenitentiae commutatione.

NE qua fiat posthac solennis poenitentiae cõmutatio, nisi rarioribus grauioribusque de causis, atque adeo cum ipsi Episcopo constiterit, eam esse ad reum reconciliandum & reformandum sanio-rem & tutiorem rationem.

Deinde quod multa illa pecuniaria vel in releuamen pauperum eiusdẽ parocciæ, vel in alios pios vsus erogetur, idque ecclesiæ solenniter & fideliter approbetur, & innotescat.

Quod si verò crimen fuerit notorium, ac publicum, Reus ipse vel in propria sua persona publicè in Ecclesia poenitentiam suam minimè fictam profitendo,

tēdo, lœsæ ecclesiæ satisfaciet, vel ecclesię minister in præsentia ipsius rei, palam e suggestu eius submissionem, & poenitentię suæ coram Ordinario suo peractionem, atque etiam in veræ suæ resipiscentię Testimonium, quantam pecuniarum summam in vsus supradictos erogandam reddiderit, denunciabit.

Quicumq; verò absq; Episcopi Diocesani notitia poenitentiam commutauerit, aut pecuniam ratione commutationis huiusmodi solutam in alios vsus quam supra est expressum conuerterit, vel aliter præsentem hanc constitutionem violauerit: Is ab executione Officij sui per eundem Diocesenum per tres integros menses suspendetur.

De feodis quæ Officiarijs ecclesiasticis & eorum ministris debentur.

CAutum insuper volumus, quòd neq; alia, neq; maiora feoda ab Episcopo, Ordinario, Archidiacono, vel eorum ministris deinceps vlla de causa percipiantur, quàm ea, quæ ineunte hoc regnum regia nunc Maiestate percipi solebant: Quodque tabula quædam singulorum huiusmodi feodorum summas continens, in quolibet Consistorio ante Festum Sancti Iohannis Baptistæ proximè venturum figatur, cuius exemplar manu ipsius Ordinarij subsignatum intra tempus prædictum ad Archiepiscopum transmittetur.

Iam verò quia dubium esse potest, quænam certa

C

feoda

feoda pro singulis negotijs expediendis, in singulis respectiuè foris ecclesiasticis quadraginta abhinc annis percipiebantur, nisi quæ vsus frequentior succedentibus ab eo tempore annis monstraue- rit, atq; approbauerit : Ideò decernendum putamus vt ci- tra vltimum diem mensis Maij proximè sequentem, Episcopus quilibet, vel sede aliqua Episcopali va- cante, Custos spiritualitatis ibidem curet, tabulam manu Ius dicentis eiusque registrarij subscriptam publicè figi, vel in loco quolibet vbi Ius ab illo di- cetur, vel aliàs publicè in eiusdem iurisdictionis Archivo, ita vt quiuis eiusdem tabulæ inspiciendæ facultatem habeat : Quæ quidem tabula in se con- tinebit separatas summas singulorum feodorum, quæ tam a Iudice, quàm a singulis alijs Officiarijs ac ministris eiusdem Curia frequentius ac vsitatiùs ab initio regni dictæ Serenissimæ Reginae vsque ad decimum octauum Maiestatis suæ annum percipi consueuerunt : Curabit prætereà quilibet Episco- pus, vel sede vacante Custos spiritualitatis, vt quili- bet Index huiusmodi citra vltimùm diem præfati mensis Maij Episcopo suo, vel Custodi spiritualita- tis fidele & auctenticum exemplar tabulæ feodo- rum præmissorum in Archiuis Episcopi custodien- dum tradat : Qui verò contra fecerit, is ab executi- one officij sui per Ordinarium suum immediatè superiorem eò vsque suspendetur, donec præmissa modo & forma superius specificatis perfecerit.

Quorum omnium exemplarium, singuli Episcopi Prouinciæ Cantuariensis vel Custodes spirituali-
tatis,

tatis, fidele & auctenticum Instrumentum in pergameno conscriptum, ad Archiepiscopum citra ultimum diem mensis Octobris proximè futurum transmittent.

Pœna verò cuiusque Officiarij, ac Ministri maiora feoda quàm quę in huiusmodi tabulis respectiue exprimentur percipientis, suspensio erit per sex menses ab executione officij sui per Ordinarium suum infligenda, vel Ordinario negligente aut id facere omittente, per Archiepiscopum, qui alium delinquentis loco interim deputabit.

Prouiso semper, quòd si alicubi dubium fuerit quæ feoda vsq; ad prædictum decimum octauum regię Maiestatis annum vsitatissimè percepta fuerint: Tùm ea feoda pro legitimis habebuntur quæ per Archiepiscopum Cantuariensem sub manus suæ subscriptione approbabitur: nisi statuta huius regni Angliæ iam antea ædita, alia in quocunq; casu feoda expressè præstituerint.

Prouiso insuper, quòd neq; Archiepiscopo neq; Episcopo, vel directè, vel indirectè aliquā pecuniarum summam pro admittendis ad sacros ordines hominibus accipere licebit, idque sub pœna Iuris.

De excessibus Apparitorum reformandis.

PRÆtereà quoniam excessibus & grauaminibus quæ per Apparitores inferri dicuntur, remedium cupimus adhibere opportunū, videtur vt Apparitorum multitudo, quantum fieri poterit, re-

stringatur; Non igitur licebit Episcopis vel Archidiaconis, eorumue Vicarijs seu Officialibus, alijsq; inferioribus Ordinarijs deputare & habere plures Apparitores, iurisdictionibus suis respectiue inferuientes, quam ante viginti annos præteritos, vel ipsi vel prædecessores sui habere consueuerunt, qui omnes per se suum fideliter exequantur officium, Nec per nuncios aut substitutos quocunq; quæsito colore, sua vice mandatorum executiones demandent, aut permittant, nisi ex causa ab ordinario illius loci prius cognita & approbata: Tum vt promotorum Officij, vel denunciatorum personas omninò non sustineant, feoda ampliora vel maiora, quàm quæ hijs constitutionibus, superius statuuntur, non exigant.

Quòd si plures quam superius est expressum deputati, vel illorum aliqui præmissa violauerint, deputantes si Episcopi existant, moniti per superiorem supernumerarios dimittant. Inferiores verò Episcopis Ordinarij, ab executione Officij suspendantur, donec huiusmodi deputatos amouerint, deputati autem ipsi ab Apparitorum Officio moueantur perpetuò: Et si amoti non desistant, tanquàm contumaces Canonicis censuris coerceantur.

Præterea in causis Officij & correctionis ne quæ fiant Citationes generales (quæ vulgò *Quorum nomina* dicuntur) nisi partes citandæ veris nominibus expressis per registrarium in ipsa schedula citationi annexa, & sigillo munita scribantur: eademq; schedula ius dicentis manu subscribatur,
sub

sub poena coertionis ecclesiasticæ per Diocesana-
num delinquenti infligenda.

*De Registris in Ecclesijs saluæ Custodiæ com-
mittendis.*

ET quia Registra in ecclesijs (quorum permag-
nus vsus est) fideliter volumus custodiri : Pri-
mum statuendum putamus, vt in singulis visitatio-
nibus admoneantur ministri, & œconomi ecclesi-
arum de Iniunctionibus regijs ea in re diligentius
obseruandis.

Deinde vt libri ad hunc vsum destinati, quò tu-
tius referuari & ad posteritatis memoriam propa-
gari possint, ex pergameni sumptibus parochiano-
rum in posterum conficiantur : hisque non modò
ex veteribus libris cartaceis transumpta nomina eo-
rum, qui regnante serenissima Domina nostra *Eli-
zabetha*, aut baptismatis aqua abluti, aut matrimo-
nio copulati, aut ecclesiasticæ sepulturæ Beneficio
affecti sint, suo ordine sumptibus parochianorum
inscribantur : Sed eorum etiam, qui in posterum
baptizati, vel matrimonio coniuncti aut sepulti
fuerint.

Ac ne quid vel dolo commissum, vel omis-
sum negligenter redarguatur, Quæ per singulas hebdo-
madas in hisce libris inscripta nomina fuerint, ea
singulis diebus Dominicis post preces matutinas
aut vespertinas finitas, apertè ac distinctè per mini-
strum legantur, die ac mense quibus singula gesta

sunt sigillatim adiectis.

Postquam autem paginam aliquam integram multorum nominum inscriptio compleuerit, tum ministri, tum Gardianorum ipsius parochiæ subscriptionibus volumus eam communiri.

Idemque in transumptis ex veteribus libris caraceis, paginis singulis fieri, sed diligenti, ac fideli prius habita collatione: neque verò in vnius cuiusquam custodia librum illum; sed in Cista publica, eaque trifariam obserata reseruandum putamus, ita vt neque sine ministro Gardiani, nec sine vtrisque gardianis minister quicquam possit innouare.

Postremum est, vt exemplar quotannis cuiusque anni auctæ nominum inscriptionis ad Episcopi Diocesani registrum per Gardianos infra mensem post Festum Paschatis transmittatur, & sine feodo vlllo recipiatur, atq; in Archiuis Episcopi fideliter custodiatur.

Quicumque verò in præmissis eorumue aliquo deliquerit, is vt delicti qualitas Iusque postulauerit puniatur.

QUæ omnia Capitula siue Constitutiones, omniaque & singula in eisdem contenta, Regia Maiestas per suas Literas Patentes gerentes dat. apud Westmonasterium decimo octauo die Ianuarij, anno regni sui quadragesimo, ratificauit, confirmauit ac stabiliuit, ipsaque ab omnibus regni sui subditis vtriusque Prouinciæ, Cantuariensis & Eboracen-
racensis,

racensis, quatenus eorum aliquem concernunt, diligenter exequenda, ac observanda autoritate sua regia proposuit, promulgavit, & per easdem Literas Patentes sic per eos observari præcepit, iniunxit & mandavit, prout in eisdem literis Patentibus, Sigillo magno Angliæ sigillatis plenius liquet & apparet.



racoris, quibus coram alijque concurrebat, de
hinc et exinde, ac oblatanda auctoritate in
regla pro omni p[ro]prietate, et per celsum lin-
te, et ceteros oblatos, et p[ro]prietate, in
xii. et ceteris, et ceteris, et ceteris, et ceteris,
Sagittis magno Argente sagittis plena hinc et
apparet.



EXEMPLARIA

Licentiæ seu facultatis
matrimonij absq; trina Bannorum
promulgatione celebrandi in singu-
lis Episcopatibus obseruanda.

LICENTIA UBI
vterq; vel alter contrahen-
tium sub parentum vel gubernatorum
potestate existit.



*. Permissione diuina L. Episcopus :
Dilectis nobis in Christo D. C. Pa-
rochia de B, filio naturali & legitimo
I. C. Parochia de F. generoso, & N.
O. puella, filia naturali & legitima
B. O. Parochia de M. nostrarum L.
Diocæseos & Iurisdictionis, salutem : Cum vos (uti
asseritur) ad solemnizationem matrimonij veri & legi-
timi de expreso consensu & assensu parentum & gu-
bernatorum vestrorum, ac vtriusque vestrum procedere
decreueritis : Illudque in facie Ecclesia cum ea qua fieri
poterit matura celeritate solemnizari facere & obtinere
magnoperè desideretis : Nos volentes ut honesta hac ve-
stra desideria debitum celerius consequantur effectum :
Ut igitur matrimonium huiusmodi in Ecclesia de F.
(exprimendo Ecclesiam alterius contrahentium,*

D

vel

vel parētum aut gubernatorum suorum) per Rēcto-
rem, Vicarium seu Curatum eiusdem ecclesie Bannis ma-
trimonialibus vnica vice tempore solemnizationis eius-
dem matrimonij (vti moris est) publicē editis, liberē &
licitē solemnizari facere & obtinere possitis & valeatis,
post cautionem fideiussoriam sufficientem ex parte ve-
stra interpositam, iuxta constitutiones auctoritate regia
nuper editas: Dummodo vobis ratione consanguinitatis,
affinitatis, præcontractus, vel alterius causa cuiuscunque
de Iure prohibita nullum legitimum in ea parte obstitit
impedimentum, nec vlla lis, controuersia, se querela
mota sit vel pendeat coram aliquo Iudice ecclesiastico vel
ciuili de matrimonio aliquo contracto vel allegato cum
alterutro vestrum, & Ministro ecclesie prædictæ prius
constiterit, vos ad huiusmodi matrimonij celebrationem
accedere de & cum expresso consensu parentum vel gu-
bernatorum vestrorum, ac modò matrimonij huiusmodi
celebratio publicē in ecclesia de F. prædict. fiat inter ho-
ras octauam & duodecimam antemeridianas, absque ta-
men præiudicio Ministri ecclesie de M. vbi dicta N. O.
Parochiana existit, Licentiam & Facultatem tam vobis
contrahentibus, quàm Rēctori, Vicario aut Curato eccle-
sie prædictæ designatæ matrimonij huiusmodi inter vos
solemnizandi sub modo & forma superius specificatis,
iuxta ritus libri publicarum precum auctoritate Parlia-
menti in ea parte editi & stabiliti, necnon omnibus a-
lijs Christi fidelibus eidem solemnizationi interessendi,
ex certis causis legitimis & rationabilibus per nos appro-
batis, quatenus in nobis est, et Iura regni patiuntur in hac
parte, benignè concedimus & impertimur per presentes.

Prouiso


Prouiso semper, quòd si alteruter vestrum clarioris aut illustrioris conditionis sit quàm nobis suggestum est, & quàm ex cognomine & additamento in hijs literis insertis colligi facile potest, aut si aliqua fraus in posterum appareat vel falsitatis nobis suggesta, vel suppressa veritatis tempore huius Licentia obtenta: Tunc hac Licentia nostra irrita sit ad omnem iuris effectum ac si omnino concessa non fuisset: Et eo casu inhibemus quibusuis ministris (modò pramissorum aliquod eis innotuerit) ne ad solemnizationem dicti matrimonij procedant, nisi nobis, aut Vicario nostro in spiritualibus generali prius consultis: In cuius rei testimonium &c.


The minister shall not solemnize this marriage, without the consent of their parents or gouernours, who are hereby licensed to marrie.


Si utraque pars contrahens in viduitate existens ad secundas nuptias conuolare facultatem petat, tum omnes clausula parentum consensum requirantes omitti possunt, sed Parochia vtriusque contrahentis in Licentia exprimenda sunt, ac Parochia vbi matrimonium celebrabitur, designanda.

23
The mind that not to learn his nature,
without the content of their parts or to
learn, it is not necessary to learn.

24
The mind that not to learn his nature,
without the content of their parts or to
learn, it is not necessary to learn.

 **THE COPY OF**
a Bond to be taken vp-
on euery license of marriage to be
granted before the granting thereof.

 **THE OBLIGATION**
*to be in the vsuall forme in such
competent summe, as considering the estate of
the parties to be married shalbe by him who hath
warrant to grant license, thought conuenient.*

 He condition of this obligation
is such, That if heereafter there
shall not appeare any lawfull let
or impediment, by reason of any
precontract, consanguinity, affini-
ty, or by any other lawfull meanes
whatsoever, but that the within bounden *A. B. and
F. G. Spinster (or Widow, when the license is for a wi-
dow)* may lawfully solemnize marriage together,
and in the same afterwarde lawfully remaine and
continue like man and wife according to the lawes
in that behalfe provided: And moreouer, if there
be not at this present time any action, sute, plaint,
querell or demand, mooued or depending before
any Iudge Ecclesiasticall or Temporall, for and
concerning any such lawfull impediment between

E

the

the sayd parties, nor that either of them be of any better estate or degree, then to the Iudge at the granting of the license is suggested: And also, if they shall not solemnize this marriage without the consent of their parents or gouernours: Lastly, if the sayd marriage shall be openly solemnized in the Parish church in the license specified, betwixt the houres in the Constitutions confirmed by her most excellent Maiesty, appointed, and according to the forme of the booke of Common praier now by law established: Then this present obligation to be voide and of none effect, or els the same to stand, remaine and abide in full power, strength, and vertue.

*Where a Widower and a Widow do marry together,
there the clause of the parents consent is to be
left out of the bond, and all the other clauses to
stand.*

